

«Madaya Mom»

DAD ANDREA LUZIUS RASSEL,
CARLSBAD CALIFORNIA

■ **Forsa as regurdais vus dal num Madaya. Circa avant in onn han ils chanals da medias mussà maletgs schoccants en connex cun Madaya.**

La pitschna citad en las muntognas da la Siria vers il cunfin cun il Libanon era ina giada enconuschenta sco lieu turistic, però las reportaschas d'avant in onn han mussà in auter maletg da Madaya. Ina citad assediada, naging traffic da commerzi, naging martgads, umans che han da mangiar suppa dad erva per mancanza da mangiativas – maletgs quasi nunsupportabels. Las reportaschas da Madaya èn svanidas da noss chanals da medias, l'assedi da Madaya dentant è restà. Co mai fan ils abitants da Madaya da survivor?

L'auter di hai jau puspè legì il num Madaya. Quai sin in carnet da comics. «Madaya Mom» è in product communabel da la chasa da medias ABC News e da Marvel, la chasa editura da comics da tut quests super eroxs.

«Madaya Mom» è l'istorgia vaira davart il cumbat d'ina famiglia per survivor l'assedi, la bloccada totala da lur citad. La persuna principala è «Madaya Mom», ina mamma da tschintg uffants che mussa forza e character amez la tragedia e rapporta davart la vita entaifer

il tscherchel da bloccada. Durant l'onn passà ha «Madaya Mom» – ses num na vegn betg menziunà per betg metter ella en priewel da vita – communitgà via SMS cun ina redactura dad ABC News. Ella raquinta da las orrurs da guerra, da las rachetas, da la mancanza da sien e da nutriment, mo era co la famiglia emprova da crear muments da «normalità» per ils uffants.

La bloccada da Madaya na permetta a schurnalists betg d'entrar en la citad. Uschia èn ils parairis da «Madaya Mom» quasi la sula funtauna da novitads or da la citad assediada. ABC News ha tschertgà in med per cuntanscher la publicità cun las novitads da Madaya ed ha chattà quest med en la collavuraziun cun Marvel. Il comic «Madaya Mom» dat parairi da la situaziun orribla en ina citad nua che las cameras na pon betg ir. Marvel nus mussa ina nova figura che mussa tratgs d'ina eroxa. Per exempel en ina episodada nua che las mangiativas eran uschè stgarsas ch'ella simplamain decidida da na mangiar pli per in pèr emnas per che ses uffants hain in zic dapli – ma forsa che quai nun èn tratgs d'ina super eroxa, ma che mintga mamma/mom faschess il medem.

«Madaya Mom» sa vegnir legì online sin las paginas dad ABC News.